

strukture stručnog tima Subjekata ARS AEFI koji se ima namjeru pružiti kao stručni tim buduće Javne ustanove,

V.

Subjekti ARS AEFI i Osnivači iskazuju namjeru da jedan od osnovnih pravaca djelovanja buduće Javne ustanove, uz svu potrebnu podršku i eventualno potreban dodatni angažman Osnivača, bude nastavak aktivnosti na realizaciji Projekta izgradnje objekta Muzeja ARS AEFI prema arhitektonskim projektima Renza Piana, čija je izgradnja planirana provedbenim planskim dokumentom i za stoji gradsko građevinsko zemljište dodijeljeno.

Osnivači iskazuju namjeru da buduća Javna ustanova, uz punu podršku Osnivača, nastavi započetu saradnju s Delegacijom Evropske unije u Bosni i Hercegovini, tako što će izraditi i uputiti Elaborat s inicijativom da Delegacija Evropske unije finansira izgradnju objekta Muzeja ARS AEFI, budući da su predstavnici Delegacija Evropske unije u BiH iskazali namjeru da ova institucija finansira izgradnju objekta muzeja s ciljem da ga kao simbol nove Evrope, svečano otvori i preda na upotrebu Sarajevu već 2014. godine, te su ohrabрили predstavnike Subjekata ARS AEFI da to i zatraže.

VI.

Ovaj Sporazum stupa na snagu na dan kada ga potpišu sve strane u ovom Sporazumu, a može se mijenjati putem zajedničkog dogovora svih strana u pismenoj formi.

VII.

Sporazum će se realizirati putem konkretnih ugovora po dobivenim rezultatima Elaborata iz tačke IV. ovog Sporazuma i

putem konkretnih odluka nadležnih organa Osnivača u skladu sa Zakonom.

VIII.

Ovaj Sporazum je sačinjen u 18 (osamnaest) primjeraka, od kojih svakom Potpisniku sporazuma pripadaju po dva primjerka.

Premijer Vlade
Kantona Sarajevo
Besim Mehmedić

Gradonačelnik
grada Sarajeva
Alija Behmen

Načelnik Općine
Stari Grad Sarajevo
Ibrahim Hadžibajrić

Načelnik Općine
Centar Sarajevo
Dževad Bećirević

Načelnik Općine
Novo Sarajevo
Nedžad Koldžo

Načelnik Općine
Novi Grad Sarajevo
Damir Hadžić

Generalni direktor KJP Centra
"Skenderija" D.O.O.
Suad Džindo

Predsjednik Fondacije
"ARS AEFI"
Ilija Šimić

Predsjednik Udruženja građana
"Umjetnost epohe" "ARS
AEVI"
Ilija Šimić

OPĆINA CENTAR

Općinsko vijeće

Na osnovu člana 8. i člana 13. Zakona o principima lokalne samouprave ("Službene novine Federacije BiH", broj 49/06), člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), i Zaključka Komisije za poslove iz stambene oblasti Općinskog vijeća, Općine Centar, broj 01-26/10 od 26.05.2010. godine, Općinsko vijeće Centar Sarajevo je, na Devetnaestoj redovnoj sjednici održanoj 22. jula 2010. godine, donijelo

ODLUKU

O DODJELI I PRODAJI ZAMJENSKOG STANA ŽUTIĆ-HUKIĆ EMINI U NOVOIZGRAĐENOM OBJEKTU U ULICI SEPETAREVAC BR. 21

Član 1.

ŽUTIĆ-HUKIĆ EMINI iz Sarajeva, kao nosiocu stanarskog prava na stanu koji je proglašen ruševnim i srušen u ul. Armaganuša br. 5D, dodjeljuje se na trajno pravo korištenja stan koji se nalazi u Sarajevu, u ulici Sepetarevac br. 21, drugi sprat, stan br. 12, ukupne površine 44,88 m², čiji je vlasnik Općina Centar Sarajevo.

Član 2.

Na osnovu stanarskog prava koje je imala na stanu koji je proglašen ruševnim, Žutić-Hukić Emina ima pravo na otkup stana iz člana 1. ove Odluke u skladu sa odredbama Zakona o prodaji stanova na kojima postoji stanarsko pravo F BiH, koji zahtjev za otkup stana je u obavezi da podnese nadležnoj Službi najkasnije u roku od tri mjeseca od dana pravosnažnosti ove Odluke.

Član 3.

Ovlašćuje se općinski načelnik da sa Žutić-Hukić Eminom, zaključuje ugovor o otkupu stana, a nakon pismene potvrde Pravobranilaštva Općine da je ugovor o otkupu stana sačinjen u skladu sa Zakonom o prodaji stanova na kojima postoji stanarsko

pravo F BiH i Odlukom o dodjeli i prodaji zamjenskih stanova u novoizgrađenim objektima.

Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-23-4325/10
22. jula 2010. godine
Sarajevo

Predsjedavajući
Općinskog vijeća
Slaven Kovačević, s. r.

Ova Odluka je objavljena na oglasnoj ploči Općine Centar Sarajevo 26.07.2010. godine.

Na osnovu člana 40. i 47. Zakona o prostornom uređenju ("Službene novine Kantona Sarajevo", broj 7/05), člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Devetnaestoj redovnoj sjednici održanoj 22. jula 2010. godine, donijelo

URBANISTIČKI PROJEKAT "TRON-ŠIP"

Član 1.

Usvaja se Urbanistički projekat "Tron-Šip", (u daljnjem tekstu: Plan).

Član 2.

Plan se sastoji od tekstualnog i grafičkog dijela.

SADRŽAJ:

Tekstualni dio sadrži:

1. Uvod
2. Odnos prema planu višeg reda
3. Stanje područja planiranja
4. Usmjerenje za uređenje prostora
5. Saobraćaj

GRAFIČKI PRILOZI:

Faza urbanizam

1. Izvod iz UP-a Grada Sarajeva za period od 1986-2016 godine 1:5000
2. Ažurna geodetska podloga 1:500
3. Postojeće stanje 1:500
4. Planirano stanje osnova suterena 1:500
5. Planirano stanje osnova prizemlja 1:500
6. Planirano stanje urbanističko rješenje 1:500
7. Planirano stanje mreža grad. i regul. linija sa prijedlogom parcelacijom 1:500
8. Idejno rješenje saobraćaja 1:500

Faza Saobraćaja

Faza Elektroenergetike

Faza Kablovska TK mreža

Faza Odvodnja oborinske i fekalne kanalizacije i snabdijevanje vodom

Faza Toplifikacija - gasifikacija

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Centar Sarajevo i Zavodu za planiranje razvoja Kantona Sarajevo.

Član 4.

Ova Odluka stupa na snagu narednog dana od dana objavljivanja na Oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 01-23-4306/10
22. jula 2010. godine
Sarajevo

Predsjedavajući
Općinskog vijeća
Slaven Kovačević, s. r.

Ova Odluka je objavljena na oglasnoj ploči Općine Centar Sarajevo 26.07.2010. godine.

Na osnovu članova 40. i 47. Zakona o prostornom uređenju ("Službene novine Kantona Sarajevo", broj 7/05), člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Devetnaestoj redovnoj sjednici održanoj 22. jula 2010. godine, donijelo

ODLUKU

O PROVOĐENJU URBANISTIČKOG PROJEKTA

"TRON-ŠIP"

Član 1.

Ovom Odlukom utvrđuju se uvjeti korišćenja, izgradnje, uređenja i zaštite prostora i način provođenja Urbanističkog projekta "Tron-Šip" (u daljnjem tekstu: Plan), a naročito: granice prostorne cjeline, urbanističko-tehnički uvjeti za izgradnju građevina i uvjeti uređenja zelenih površina.

Član 2.

Granica obuhvata urbanističkog projekta polazi od tačke br. 1 koja se nalazi na medi između parcela k.č. 1630 i 432, a ima koordinate y=6531720, x=4859811, zatim produžava u pravcu sjevera idući planiranom saobraćajnicom (Regulacioni plan

prostorne cjeline "ŠIP") i dolazi u tačku br. 2 koja se nalazi na medi između parcela k.č. 387/10 i 632/1, a ima koordinate y=6531765, x=4859851. Granica obuhvata potom nastavlja na jugoistok, te jug idući granicom parcele k.č. 632/1 (obuhvata je), zatim nastavlja u istom pravcu idući planiranom saobraćajnicom (Regulacioni plan "ŠIP"-poslovna zona koju obuhvata) i dolazi u tačku br. 3 koja ima koordinate y=6531809, x=4859770 a nalazi se na raskrsnici puteva k.č. 1630 i 451, granica zatim produžava u pravcu sjeverozapada idući putem k.č. 1630 (obuhvata ga) i dolazi do mjesta odakle je opis granice i počeo.

Sve gore navedene parcele se nalaze u K.O. Sarajevo VI, Općina Centar.

Površina obuhvata iznosi P=0,3 ha.

Član 3.

Urbanističko-tehnički uvjeti za izgradnju objekta:

- realizacija objekta vrši se u skladu sa regulacionom i građevinskom linijom definisanom ovim Planom;
- arhitektonsko oblikovanje, veličina i horizontalni gabarit objekta prema Idejnom projektu stambeno-poslovnog objekta, autor Adnan Omerović, dia ("Kvadrat" d.o.o. Sarajevo);
- sve pješačke prilaze prilagoditi osobama sa umanjenom sposobnošću kretanja;
- svi građevinski radovi moraju biti projektovani i izvedeni u skladu sa važećim propisima o projektovanju i izvođenju građevinskih radova, koji se odnose na području Kantona Sarajevo;
- na građevinskoj parceli je dozvoljena gradnja privremenog objekta, koji će služiti za potrebe izgradnje stambeno-poslovnog objekta, a koji se mora ukloniti nakon izgradnje građevine.

Član 4.

Uređenje zelenih površina realizovati prema projektu sadnje urađenom na osnovu Idejnog projekta hortikulture.

Član 5.

Položaj posuda za smeće riješiti na odgovarajući način unutar lokacije, a prema potrebama i uz uslove zaštite od požara i prohodnosti komunikacija.

Član 6.

Elementi komunalne infrastrukture se moraju ispoštovati saglasno Idejnim rješenjima pojedinih faza koji su sastavni dio ovog Plana.

Član 7.

Uvjeti izgradnje građevina za sklanjanje stanovništva i materijalnih dobara kao i za druge potrebe odbrane i civilne zaštite moraju biti obezbijeđeni u skladu sa članom 179. Zakona o odbrani Federacije Bosne i Hercegovine ("Službene novine Federacije BiH", broj 15/96).

Član 8.

Ova Odluka stupa na snagu narednog dana od dana objavljivanja na Oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 01-23-4307/10
22. jula 2010. godine
Sarajevo

Predsjedavajući
Općinskog vijeća
Slaven Kovačević, s. r.

Ova Odluka je objavljena na oglasnoj ploči Općine Centar Sarajevo 26.07.2010. godine.

